

Զարիշատ

Վարչական դեկավար՝ Բաղասյան Ռուբիկ

Հեռ +374 093-67-75-60

Մակերես՝ 34.5կմ²

Բնակչություն՝ 62

zarishat.shirak@mta.gov.am

Նախկինում համայնք Ամասիայի տարածաշրջանում, Ամասիա գյուղից 12կմ հյուսիս-արևմուտք, մարզկենտրոնից գտնվում է 40կմ հեռավորության վրա: Համայնքի մեջ մտնում են Զարիշատ և Երիզակ գյուղերը:

Նախկինում Զարիշատն ունեցել է Գանջալի, Խոնջալի, Կոնջալի, Ղունջալի, Տենչալի, Ղոնջալի անվանումները: Զարիշատ է վերանվանվել 1991 թ-ին:

Համայնքը գտնվում է Արփի լճից 7-8կմ հարավ-արևելք, մեղմաթեք քարքարոտ հարթավայրում՝ ծովի մակարդակից 2050-2100մ բարձրությունների վրա: Կիման ցուրտ լեռնային է, ձմեռը տևական, ցուրտ, հաստատուն ձնածածկույթով: Լինում են ուժեղ քամիներ, հաճախակի են ձնաքթերը և սառնամանիքները: Ամառը զով է, համեմատաբար խոնավ: Տարեկան տեղումների քանակը 500-600մմ: Բնական լանդշաֆտները սևահողային լեռնատափաստաններն են և մերձալպյան մարգագետինները: Համայնքի բնակչության նախնիների մի մասը գաղթել Արևմտյան Հայաստանի Ալաշկերտի և Էրզրումի գավառներից, Կարսի մարզից: 2013 թ-ի հունվարի 1-ի տվյալներով Զարիշատ գյուղն ունեցել է 62բնակիչ, իսկ Երիզակը մշտական բնակչություն չի ունեցել: Ըստ ազգային վիճակագրական ծառայության տվյալների համայնքը 2005 թ-ի հունվարի 1-ի դրությամբ ունեցել է 82 մարդ: Մեռային կազմում տղամարդիկ կազմում են 55%, կանայք՝ 45%: Տարիքային խմբերը բաշխված են հետևյալ կերպ. մինչաշխատունակներ՝ 29%, աշխատունակներ՝ 44%, հետաշխատունակներ՝ 27%: Ունի 17 տնտեսություն: Զարիշատն ունի դպրոց, գրադարան, բուժկետ, կապի հանգույց:

Գյուղատնտեսական հողահանդակները գրեթե ամբողջությամբ օգտագործվում են որպես վարելահողեր՝ կազմելով 110հա: Պետական հողերը գլխավորապես օգտագործվում են որպես վարելահողեր, խոտհարքեր, արոտավայրեր՝ կազմելով համապատասխանաբար 945, 578, 1544 հեկտար: Գյուղատնտեսության մասնագիտացման ուղղությունը անասնապահությունն է: Զբաղվում են հացահատիկային, կերային կուլտուրաների մշակությամբ: Զբաղվում են խոշոր և մանր եղջերավոր անասնաբուծությամբ, թռչնաբուծությամբ, մեղվաբուծությամբ:

Համայնքի հիմնախնդիրների մեջ կարևորվում են դպրոցական գույքի նորացումը, խմելու ջրագծերի վերանորոգումը, գյուղամիջյան ճանապարհների վերանորոգումը, գյուղատնտեսական մթերքի իրացումը, գազաֆիկացումը:

ՀՀ Շիրակի մարզ, գ. Զարիշատ

Ինդեքս՝ 2702

